


吕和甫集
三



呂和叔文集卷第五

朝議郎使持節衛州諸軍事守衛州刺史上騎都尉

賜緋魚袋

表狀

代李侍郎賀收西川表

臣某言伏見高崇文奏以九月二十一日官軍入成都
府逆賊劉闢走出見勒兵追捕者臣聞愛震秋落乃觀
成物之功善陣有征方見勝殘之禮然則殺之所以生
之也勤之所以綏之也氣和則歲功早就德盛則廟笑
先期無遺鏃而巨寇窮奔不血刃而全蜀底定奔走夷
裔歌舞生靈騰瑞氣而躍祥風披慶霄而捧日中賀

伏以陛下纂臨宸極推新庶政拓跡開統之始作法定
制之初而賊闢敢犯天威首干大紀恃險與遠窮亮極
暴雖禍滋助順誠天道之必然而制勝舉全皆聖謩之
自出一昨諸軍既集鋒鏑爭先陛下以為方暑用兵觸
冒害氣與勦人而欲速寧全衆而功遲遂令緩螻蟻之
誅抑貔貅之銳休養磨礪以須秋期由是感恩而思奮
者萬心如一又高宗文疾惡太甚然傷小過陛下推弔
伐之義弘覆燾之慈寇逆是誅吾人何罪遂令逐北者
生致為上脅從者獲則免之且諭鴻私仍加宴慰由是
飲澤而回化者十室而九加以聖慈曲被大信有孚當

扶纜之時賜戰士悉出內府開食糗之路賞降者曾不
踰晨遂使昏迷羊心義勇增氣江山自拔雷雨長驅渠
魁假息而逃威士衆順風而捨杖市不易肆巷無驚犬
人蒙骨肉戶解倒懸旌旗導長養之風金鼓動發生之
氣然後知至仁能然睿略無方大典用彰神武可慰全
苞形氣之內有罪必誅旁行天地之間無思不服臣謬
膺重寄親奉昌期坐觀氛祲之清目覩鯨鯢之戮手舞
足蹈倍萬恒情

臣某言今月十三日面奉進旨其南郊賞設錢恐度支

支計闕少以內庫錢充者臣聞王者以四海為家君道
惟百姓與足象天平施而無別如地生財而不私薄奉
已而後奉公重從人而輕從欲知則孔易行之惟艱曠
代莫聞今日斯遇伏惟皇帝陛下誕膺駿命富有萬邦
而能寶玄元慈儉之宗奉列聖憂勤之緒臣謬思禹貢
竊見克心非戎祀之用無急宣非執物之經無別獻土
木之功遂聞于廢息恩幸之賜殆絕于霑濡固已行路
謳吟縉紳拮据者久矣伏以郊禋有日慶澤自天楚師
思扶續之恩漢將望解衣之惠國存舊典事有恒規在
臣職司敢不供集陛下憐江淮甫罹旱歉念庸蜀新罷
大兵雖經費有餘而聖慮猶軫昨因伏奏親奉德音悉
擬發內府金錢御服繒絲約躬節用紓國贍軍允叶師
和度恭祀事必知感神人之德未酌獻而幽通動天地
之誠先燎烟而上達百祥所降萬福攸宜信可以光洽
寰區夙掩圖篆家知自遂戶識至公風人寢抒軸之詩
黔首臻富庶之域微臣何幸獲覩升平至德難名載深
感躍無任喜抃激切之至謹奉表陳謝以聞

臣某言

臣聞周陳洪範王者之首政推農魯作春秋國

家之大事在祀農憂旱之為虐祀戒雨之失容亦由聖

感節宣孰云冥數前定臣伏見比者冬陽愆候宿麥未
泝陛下減膳撤懸晨興夕惕加以郊禋日近輦路飛塵
竊慮增軫聖情微昏羽衛帝誠神應人欲從天果得風
雨叶期陰明若契每至乘輿就次御幄寧居然後助澄
掃于前驅効霑潤於清道及夫廟庭金奏則橫漢昭回
壇墀烟外則纖蘿不動從容成禮鼓吹還宮御正陽之
門施作解之令歡呼夷夏踴躍生靈三代之備物克終
百王之能事斯畢神休坐降瑞氣潛蒸玉鸞僅報其行
音素雪已飛于前殿盈天表慶成花効竒洽萬國之歡
心啟千載之昌運若非孝諭聖一作德勤過堯心則何

以禮一接而幽報隨彰景未移而明徵遽至土辛受福
獻歲告豐天地迴動于精誠陰陽變化于宸念始悟竹
宮望拜徒神無用之光交門作歌乃為語怪之事臣謬
膺重任獲待嚴詞嘉候殊祥愜心在因受恩既深于庶
類同休豈止于恒情乎之足之固知攸措無任感躍屏
營之至臣聞養氣方蒸伏陰不能
臣某言臣得某官某乙狀報伏承令月十三日夜浙西
將士張子良等相率效順生擒李錡者天討有罪國無
稽誅夷夏同歡飛沉咸躍謝臣聞養氣方蒸伏陰不能

藏其源必疑戰發洩以彰正陽之功至化方融大姦無
隱其慝必凌犯誅夷以耀聖人之武殄不盡消生德不
遂姦不盡發聖功不成蓋自然之明徵而必至之恒理
伏惟皇帝陛下光膺駿命恢纂鴻休仁育群生義征不
德無與讓而誕修文德不得已而有此武功日者周歲
之間大刑再舉朔陸叛將獻首于九廟之庭益部兇渠
伏鎖于萬人之目被髮左衽且猶知懼霄形含氣孰不
革心賊錡身萬人倫家承宗籍三朝任過五族輝光而
獨藏禍謀家聚姦黨梟琳之牙旗尚在忽已發狂戮闢
之血及未乾敢茲拒命陛下重難戎事深愍遠人先示
招諭後加討伐方伯嚴兵有司調食經略纒下形勢已
張果得義勇叶心鬼神假手大旆迴指長戟合圍兵火
之氣天連金鼓之聲海震曾不終夜遂擒元兇卷有居
人市無改肆滔天之逆踰月而平去歲西征則善陣不
戰今茲東伐則善師不陣有以見睿略天縱神武日新
聖道久而投及皆虛德澤深而用力弥寡從此災窮殄
盡俗變風移百蠻成冠帶之鄉五兵為耒耜之器溥天
同軌比屋可封古今一時克弊何遠臣謬膺重寄特賀
殊恩再逢河海之清三觀鯨鯢之戮志深除惡義切同
休歎抃之誠倍萬恒品無任手舞足蹈之至謹奉表陳

賀以開之... 代武相謝槍旗器甲鞍馬表... 臣某言今日中使某乙至臣定奉宣聖旨賜臣槍旗甲
器鞍馬錦綵等禮殊其數物備其容肅以將威煥以昭
寵雲澤濡體天光照門抃駭失圖兢惶固據臣某誠荷
誠感頓首頓首臣才不可取進不因入陛下憐其小心
知其盡節特紆宸眷而謬委台司匡補之益無聞將明
之効靡著方俟嚴譴忽蒙殊恩寄重西南任兼中外封
開大郡秩正黃樞登壇於六符之堦被袞為三軍之帥
古今盛典盡在茲日人臣竊貴舉集微躬豈臣辱庸所
克負荷非臣殞越所能上報重錦名馬玄甲朱旗王事
靡監儼有行色天顏咫尺忽當遠離感戀彷徨拜受涕
咽折衝分闡媿非式遏之才榮耀自天猥辱專政之賜
無任感息激切之至謹奉表陳謝以聞

代武相謝借飛龍馬表

臣某言伏蒙聖慈借飛龍馬若干匹至京兆府界首者
臣謬處台司將明無劾自忝方任恩禮特加獎諭綢繆
寵錫輝煥寒衣病葯悉出聖慈匹馬一人感經御選遠
覽圖史近徵丹目如臣蒙幸未見其倫寔有何功敢當
斯過盡節竭誠在臣子之本分殺身致命報君親之常

無英作薄

獨去英作
曠首

道竟將何力上谷殊私空保丹誠以致灰粉王程靡處
天駟言旋仰服阜之有期恨違顏之方始精視自越願
步莫留權奇之姿向雲闕以獨去相款之戀與星彩而
共馳瞻望天庭固知所措無任感戴彷徨之至謹奉表
陳謝以聞

代張侍郎起居表

臣某言孟秋尚契伏維聖躬萬福臣以去月二十一日

尚英作猶
同英作同

到薄安山見蕃胡尚綺里徐等固令盈珍等却迴奏事

澤英作德

令臣取今月發赴衙帳者伏惟聖澤柔遠皇明
情大歡首帥知感度奉朝旨寔禮使臣迎勞肅恭饋餼

明英作知

豐潔益明嚮化弥表革心臣恭備單車不勝慶抃嚴程

方始絕域未窮白日在天瞻仰如近青蒲之地伏

攸措無任犬馬屏營之至謹因中

居以聞

代伊僕射謝男宥授安州刺史表

臣慎言伏奉某月日制書授臣男宥安州刺史兼侍御

史充武昌軍兵馬留後仍賜紫金魚袋者雷驚里巷日

照閨門寵命自天戰兢無地臣誠懼誠感頓首頓首

聞惟君任臣固無虛授知子者父敢私不才臣頃者伏

以聖政推新時清無事遂絕指緘之望求中戀主之誠

書英作勅

所統英作
統兵旋英
作涉

朽鈍英作
鈍拙

子英作兒
兒英作教

陛下以臣所統歲深周旋艱險長三軍之子弟積百戰
之瘡痍將有去留念其情義理資感勵事責使安爰勅

臣男試總戎務臣雖訓之以義教之以忠而朽鈍有涯
策磨靡及童子代斲每懷傷手之憂小兒在邊曾無折
履之喜將何遽膺寵命荐沐恩光真授竹符就加金組
且祁午之為軍尉父已懸車陸抗之將父兵子非綵服
豈比臣身居端右男領方州鳴玉會朝朱轡行樂焜耀
中外冠超古今名教之樂何如人臣之事斯極千載至
公之運獨被殊私萬物咸遂之辰先蒙曲澤滙肝呈胆
莫盡微誠毀族滅名寧足上報臣無任感恩殞越之至

樂英作縣
冠超英作
超冠如英
作加

謹奉表陳謝以聞

道州刺史謝上表

臣某言臣去十月十七日蒙恩授使持節道州諸軍事
守道州刺史奉命星馳不敢違息以今月七日到州上

今月七日
類作二十
八日戰類
作作

訖祇寵自天戰跼無地臣某誠兢誠感頓首頓首臣謬
以孱庸早忝朝序再塵憲府三踐文昌竟不能著稱弥
綸贊肅綱紀合行殿黜翻蒙獎任共至公之理分子物
之憂自古審官莫斯為重臣才乏吏用識昧政經將何
以克副聖心撫寧遐俗惟當勤宣皇一作化虔奉彝章
苦節勵精少酬萬一臣無任受恩感激之至謹奉表陳

謝以聞
賀冊皇太子表

臣某言伏見十月十二日勅伏承皇太子以四月二十一日冊命禮畢光紹前典惟懷永圖神人允諧動植咸賴臣某誠歡誠抃頓首頓首臣聞燕翼貽謀帝王之大孝立嫡主器禮易之明訓伏惟皇帝陛下克明駿一作俊德坻纂鴻休武功有成文理既定然後弘三王之教諭建國之元良凡在生靈孰不慶幸臣守官荒服稱賀無階竊抃嶺隅倍萬恒品無任感悅屏營之至謹奉表陳賀以聞

衡州刺史謝上表

臣某言伏奉五十一日恩制授臣使持節衡州諸軍事守衡州刺史散官勲賜如故謹以七月十五日到本州上訖恭承寵命循顧庸虛感抃失圖戰兢無地臣某誠

感誠懼頓首頓首臣聞三載涉明虞書盛典六條舉最漢制宏規必在上允帝俞俯諧師錫臣謬領郡務素無吏能度守國章布宣皇化匪寧一作能夙夜再換炎涼仰奉陛下愛勤以恤遠人凋瘵雖檢身肅下不敢愧于神明而卑俗移風竟未彰于績用將何以特膺膺獎簡在宸心當愷悌之旁求辱循良之盛選省躬增揚殞首知

辱英作副
威英作填

惕英作愧
聲竭英作
恪勵庶英
作異

漸謹當罄竭精誠策磨朽鈍庶立日新之効少酬天覆
之恩實望聖慈照臣肝胆臣無任感躍屏營之至謹差
某官某乙奉表陳謝以聞

違英作遠

代鄭南海謝上表

臣某言臣自違離闕庭晨夜奔涉祇承寵命不敢違寧

奉英作仰

謹以某月某日到所部上訖奉宣聖旨親諭遠人酬恩

感英作恐

之効未期戀主之誠已積臣某誠感誠懼頓首頓首臣

本章句諸生器用無取徒以小心畏敬謬為先聖所知

趨奉禁闈浸踰星紀屬內外危疑之際是非剖判之初

實以艱貞自持中立無倚天高聽近愚款獲申神幽鑒

明昌運斯屬遂蒙陛下擢於侍從超冠等倫用其愛國

之寸心委以代天之重務俯俸三命炎涼五周登車奏

馭朽之懷假寐感宵衣之志徒耗神用莫能將明篋盈

謗而方賜馭馭鼎折足而未忘簪履竟以陳乞遂其優

容無綺季夏黃之德而猥當調護無竇融賈復之勞而

獲奉朝請以此沒齒猶為負恩豈意曾未踰年忽蒙抽

獎廟授鈇鉞廷賜旌旗俾臣懦夫當此大任節制五嶺

幅負萬里伏波之銅柱猶在永謝奇功士燮之鼓吹日

聞弥慙武幹將何以宣美皇化振揚國威洗愆責于千

齡蒼生成於再造唯當舉章修法苦節清心撫獮俗以

思柔酌貧泉而無懼庶幾萬一仰副憂勤但以白日在天長安不見丹涯限地溟海方深碩蒲柳之前衰奉軒墀而尚遠無任感戀屏營之至謹差某官某奉表陳謝以聞

代都監使奏吐蕃事宜狀

右臣前月十四日至清水縣西吐蕃舍人郭至崇來迎便請將書詔先去臣以二十一日到薄寒山西去蕃帥帳幕二十餘里停止至二十三日方見尚綺里徐撥布論乞心熱奉宣進止兼付賜物莫不祇奉聖恩感悅過望部落歡抃道路謳歌加以接待殷勤供擬豐厚竭誠

歸化形狀可知臣親覩蕃情不勝慶躍綺里徐等固欲令臣與薛任領蕃使却歸奏事臣當時苦爭請赴衙帳自辰及午意竟不移今日再見懇論盡詞往後勢既難拒恐失事宜即與今月五日令臣與張荐分背便發仿徨中路憂懼實深心魂震驚進退無據謹勅某官某乙陳奏以聞謹奏

代伊僕射奏請女正度狀

光祿大夫尚書右僕射南充郡王臣女請度尼某乙右臣伏以陛下降誕之辰率土蒙幸臣於含氣之內受恩獨深思所以稱慶南山獻心北極遂剖骨肉之愛

受恩獨深
英作獨受

深思

文英作科

輕英作報

俾歸岑寂之門結幽願於金仙奉勝因於寶壽冒昧上
 請精誠匪他陛下以釐革初行浹汗無反憐臣罄至之
 分事與恩違念臣愚魯之忠貸于法外特降中使俯加
 慰諭臣忝居端右之地首干畫一之文誠雖奉上義乘
 率下合當嚴謹忽被踈私震驚失圖慙跼罔據荷降鑒
 之明原情斯在蒙曲全之澤為感則深輕瀆宸嚴伏增
 頌越謹奏

代鄭相公謝賜戟狀

門戟十二竿右今日中使某乙至臣私第奉宣聖旨賜
 臣前件戟者臣伏以國朝之制名器尤慎史考三十始

錫英作賜

秩銀青戟勳十二乃號柱國必資其美方錫殊榮於是
 有命服以朝加戟于戶將勸勞而責實亦馭貴而崇名
 上無謬恩下不虛受臣迹非奇致擢自諸生先皇以廉
 謹賜知密勿踰于一紀陛下以勤憂過聽委過首於郡

壽英作辭

僚叨據樞衡亟移星歲雷霆用武曾無犬馬之勞日月
 垂文豈有螢燭之助徒以待祠清廟拜壽鴻名累逢慶
 賴驟假勳秩禮異其數物盛其容新其閑闕賜其榮戟
 衡門燕雀乍相賀于朱楹武庫龍蛇忽追飛于陋巷焜
 耀當代寵靈自天聚族知慙殺身匪報無任荷懼屏營
 之至謹奉狀陳謝以聞

代鄭相公請冊定施行六典開元禮狀

裴英作雜
以英作而

右臣聞化人成俗莫大于禮樂垂統建中必資于制度
然而忠敬有獎質文異數群儒之得失鋒起歷代之沿
革絲棼或榮古而漏今名實交喪或違經而便事本末
相忘或煩褻以為詳或濶畧以為要未聞折衷以叶通
方國家與天惟新改物視聽太宗拯焚溺之餘粗立統
紀玄宗承富庶之後方暇論思爰勅宰臣將明睿旨集
儒賢于別殿考古訓於秘文以論材審官之法作大唐
六典三十卷以道德齊禮之方作開元新禮一百五十
卷網羅遺逸芟翦奇邪立百代以旁通立一王之定制

道英作導

散英作故

草奏三復祇令宣示中外星周六紀未有明詔施行遂
使祭喪冠婚家猶異禮等威名分官靡成規不特裁正
貽弊方遠伏惟睿聖文武皇帝陛下恢纂鴻業升于大
猷雷霆奮有截之威日月廓無私之照三叛就戮四夷
未賓牛馬散于農郊兵革藏于武庫嚴禋上帝祇受鴻
名惟懷永圖不自滿假昧爽聽政子夜觀書慶成功而
弗休求至理若不及每懷經始則知貞觀之難言念持
盈思復開元之盛臣謬忝樞務兼掌圖籍無能匡補已
負于恩私有所發明豈先於典禮伏見前件開元禮六
典等先朝所制鬱而未用奉揚遺美允屬欽明然或損

求英作率

樞英作密

匡補英作

輔弼發英

作建先英

作聖

敏英作達
英紆英作
敢塵

益之間討論未盡或弛張之間宜稱不同將貽永代之
規必候不刊之妙臣請于常參官內選學藝優深理識
通敏者三五人就集賢院各畫異同量加刑定然後英
紆睿覽特降德音明下有司著為怕式使公私共守貴
賤遵行苟有僭違必正刑憲如此則職官有制將興濟
濟之詩風俗大同坐致熙熙之詠見可而獻知無不為
報續宸嚴伏增殞越謹狀

故博陵崔公行狀

曾祖諱承福皇朝太中大夫廣越二府都督祖諱先意
皇朝朝議大夫鄧州刺史又諱嶽皇朝朝議大夫鄭州

非英作貫

長史贈左散騎常侍狀齊藻天理立為人極敬終端本
彼所以將就誠明褒歿勸存此所以砥礪名教然而以
道行已晦而弥光大君子之行也以法考行直而無黨
賢有司之職也且曰獻狀則唯所知公清莊而和博厚
而敏岐嶷而夙茂羈州而老成性約情克靜專動直出
入孝悌周旋忠信始以經明上第調佐夏陽次以詞麗
甲科超尉王屋事迫於官而舉言迫于事而揚欲藏智
而蒙滯來求不近名而教華見逼故相左僕射張公時
尹洛京首得才寔泊鎮荆蜀致於幕庭再兼理官專領
記室健筆良畫二邦有聞旋遠內艱毀瘠僅立善居得

禮族黨稱之免喪之歲天子南狩大尉西平王大會兵
車將圖匡復公首膺辟任濬發義心琴未成教履及于
路感激而將星芒怒謨謀而兵稜廓清翠華既還優典
斯及拜殿中侍御史時有寵臣為京兆者政以暴聞吏
有冤弊公表陳枉直伏閣待旦言忠主悟事寢風生以
繩違稱職轉侍御史以求瘼慎選為華原令大兵之後
早歲為唐公勞徠不倦弛張以宜復流庸於潤屋闢曠
土為多稼俄改歙州刺史地雜歐駱號為難理下車而
簡其約束期月而明其信摠然後破散谿聚剪鋤山豪
既去害群之奸遂寧坻險之俗徵拜長安縣令威嚴先

珽英作挺

路不肅而理銜刃餘地所投皆虛擢同州刺史國數于
豐量賑為糴號里倉者三百所而凶年備矣戒以暴骸
諭之速朽成薄葬者九百家而奢俗懲矣都人有豪奪
鄉悖陰持吏失朋梅汾獄累政所患公斷以尋斧破其

汾英作訟
所患英作
患之

囊橐人樂其殺而法制行焉郡城自禦寇之餘復隍殆
盡朝貢所經夷夏何仰公悅使襁負大興版築下不知
役而扁固立焉其餘則去思有碑詳在篆述可覆視也
朝議涉明遷于陝服封介晉楚寄分函洛而戒備不修
兵庫虛閉公乃鳩工以利器閱寔以練卒金羊中度義
勇知方既而有淮西之役晨令暮具凜然而可觀矣河

匪工英作
費儻工渠

英作流

出城下造舟為梁經始匪工敗決相繼公乃沉石而雙
固中汴省艦而三分巨渠水與意會勢若天成既而有
奔濤之沴智勝功顯終然而無害矣其餘則三降至書
就加爵秩是明徵也移疾入覲貳職冬官歸載不過圖
書留府盈乎粟帛豐公約私于是乎在至既陳乞以尚
書致政室不交要路之賓口不言當代之事就陰委順
談者多之公自解巾至于撒樂思不踰矩動不越思以
忠貞為仕模以勤儉為家訓身居侯邸清節如初男降
王姬素風愈勵羈孤聚室人各忘其止布褐分庭士不
知其貴體溫柔而事至能斷性坦易而物莫能窺當官

能英作得

不務于名教所去必遺其功利此謠尚在時論可徵已
踰書葬之期請舉易名之典謹狀

元和三年四月日故銀青光祿大夫守工部尚書致仕
贈陝州大都督博陵崔公外生甥朝議郎司封員外郎
上騎都尉賜緋魚袋呂溫謹上

外生英作
從禰

呂和叔文集卷第五

呂和叔文集卷五
國中山者城而五公三非水與
奔時之冷習麻功城終然而
沈如商故之明也七移八
書府府子有軍書行以十
士德林極顯微榮志致士
神州州州州州州州州州
不亦于焉遂州少也
無
不亦于焉遂州少也
無

呂和叔文集卷第六

朝議郎使持節衛州諸軍事守衛州刺史上騎都尉賜緋魚袋呂溫

誌銘

三受降城碑銘

并序

夏后氏遏洪水驅龍蛇能禦大菑以活黔首周文王城
朔方逐獫狁能捍大患以安中區若非高岸峻防重門
擊柝雖有盛德曷觀成功然則持璿璣而弛張萬象昊
穹之妙用扼勝勢以擒縱八極王者之宏圖道雖無外
權則有備變化消息存乎其人三受降城皇唐之勝勢
者也昔秦不量力北築長城右扼臨洮左馳碣石生人

盡去不足東障而漢之後顧為荒立退居河澨歷代莫
進矯亡秦之弊則可矣盡中國之利則未然唐興因循
未暇經啟有拂雲祠者在河之北地形雄坦控扼樞會
虜伏其下以窺域中禱神觀兵然後入寇甲不及探突
如其來鯨一躍而吞舟虎數步而擇肉塞草落而邊阨
懼河水堅而羽檄走爰自受命至于中興國無寧歲景
龍二年默啜強暴瀆鄰稱怨掃境西伐漢南空虛朔方
大提管韓國公張仁愿謁机而謀請築三城奪据其地
跨大河以北嚮制胡馬之南牧中宗詔許橫議不境
時休璟建于是留及水之戍斬姦命之卒六旬雷動三城
唐議非之

岳立以拂雲祠為中城東西相去各四百里過朝那而
北關斥候迭望幾二十所損費億計減兵萬人分形以
据同力而守東極于海西窮于天納陰山於寸眸拳大
漠於一掌驚塵飛而烽火耀孤雁起而刁斗鳴涉河而
南門用晏閑韓公猶以為未也方將建大旆提金鼓馳
神竿鞠虎旅者旋頭明滅與太白進退小則責琛賫受
厥角定保塞一隅之安大則倒狼居竭瀚海空若塞萬
里之野大略方運元勳不集天其未使我唐無北顧之
憂乎厥後賢愚迭任工拙異勢剝者躡武柔者敗律城
隳險固寇得凌軼或驅馬飲河而去或控絃劇壘而旋

吾知韓公不瞑目於地下矣今天子誕敷文德茂育群
生戢兵和親七狄右衽然而軍志有受降如敵大易有
安不忘危崇墉言言其可施柝亦宜鎮以元老授之廟
勝劇述舊職而恢遺功外勤撫綏內謹經畧使其未不
敢仰視去不敢反顧永讐猛氣無生禍心儻威馴恩禽
息荒外安固萬代術何加焉敢勒銘城隅庶復隍而光
烈不昧銘曰

韓侯受命志在朔易北方之強制以全策亘漢橫塞揭
莽雄壁如三闕龍躍出大澤並分襟帶各閉風雷俯視
陰山仰者昭回一夫登俾萬里洞開日晏秋盡纖塵不

來時維韓侯方運神妙觀釁則動乃誅乃弔廓乎窮荒
盡日所照天子未贊不策清廟我聖耀德罷扃北門優
而柔之用息元元曷若完守推亡固存于襄于夷永裕
後昆

而英作如
點英作點
而智英作
如智
故太子少保贈尚書左僕射京兆韋府君神道碑
山之天者匿峰巒含氣象積高無倪而不見其陰孕粹
有物而不知其神此其所以為大也德之全者毀圭方
點蔽厲靈機密運而智不驚愚遐標特立而迹無變俗
此其所以為全也然則太山高而可陟全德近而難知
我求其倫見之于少師公矣公諱某字某京兆杜陵人

為英作馬

其先帝克光宅讓德儲慶建國命氏列于夏商相胄卿
族繁于漢魏代濟不殞煥為盛門大王又諱某皇朝主
客郎中萊濟高三州刺史王又諱某倉部郎中太原少
尹贈秘書監烈考諱某檢校都官郎中嶺南節度行軍
司馬贈同州刺史或以瑚璉之器終施郡政或以岩廊
之姿僅及戎佐與時俱息從道而污屈不試于當年啟
莫京于身後公生而岐嶷弱而老成渾粹不散清明虛
映朱絃遺音而宮商自韻大圭不琢而符彩溢發邈是
天爵爛乎人文鼓鐘之報日遠卿典之譽未逼釋褐太
子正字與仲弟正卿以賢良偕徵策入異寺鴻冥雙舉

是英作矢

鴻冥英作
冥鴻

臺英此下
有殿中二
字

選英作選

當代榮之授高陵主簿遷監察御史政殿中內供奉東
都留守判官即拜東臺侍御史叅畫推允持繩不回河
洛之間風教尚在德宗躬決廢改本于尚書責成曾郎
綜練材寔荐出方伯時超貳卿二十年間斯為極選公
由是前後遷刑部吏部員外郎吏部郎中奏議推美弥
綸成績南宮之故事存焉于時戡復日近勲勤者眾都
市惰游盡垂金組邦畿豪奪半賜丹書輕禽逸于踈網
悍馬駭于柔轡上思懲抑必換良能公由是前後歷奉
天長安二縣令仁護鰥惇智鈴豪右輿人之遺詠在焉
望由實濟任以望重選曾未幾遷給事中既居較正之

換英作假

遺英作道

給英作存

司不撓當官之論屬東南歲歉俾又惟難出為常州刺史天寶之後中原釋耒輦越而衣曹吳而食一隅重困五紀于茲公臨之清貞結以忠恕固給忠寡務音勤分一法以去其侵渙多方以脩其灾患以逸道而使繕完允濟以與道而取賦入先期教聞天朝考績連最轉蘇州刺史二境之間百里而近靈源自出殊派共清膏澤所霑異壤同潤下車期月報政如初加秩賜金借留累歲無何彭沛喪師兵驕地偏安危所繫朝議難之乃以公檢校秘書監兼御史中丞賜紫金魚袋充徐泗節度行軍司馬重其威望將委旄鉞而未命程伯徐方之軌

議英作論

既同不見賈生宣室之徵遽至擢吏部侍郎倫品甄明通簡節適勢有探湯之熱我以靜濯衆有鼓簧之喧我以心聽馴致其美聞然日彰不求無失職之人人自以為不失職矣報拜京兆尹德刑交修寬猛相濟匪設鈎距物無遁情匪曜鋒芒机無滯斷浩穰之理不肅而成不求無不欺之吏吏自以為不能欺矣俄改太子賓客辭劇就閑圖南之勢一息選德求舊居東之命惟重遷檢校工部尚書兼御史大夫充東都留守東都畿汝州都防禦使自盜起幽陵兵屯諸夏涉淮而北軍國異容分陝以東古今殊寄公講信修睦外張保釐之政完備

歸英作順

降英作真

訓戎內寓折衝之令予戰不露德耀藹然遐邇頓首以承風強暴革心而知懼今上嗣統就加檢校吏部尚書方入諧舍屬毗贊大化不幸嬰疾表求退歸優詔除太子少保冀其休復將有後命神祇竟味葯禱無降以元和元年三月十二日薨于東都履信里之私第享年六十有四寵贈尚書左僕射轎車西歸制使賻弔太常襄議謚曰某公哀榮備矣夫人河東裴氏侍中耀御之孫給事中華之女德門一作鍾美淑聞充塞薜榮早落著兆叶期即以是年五月二十一日合葬于萬年縣高平鄉少陵原禮也公孝悌天至行有餘力仁義性德匪俟

聞英作問
榮英作華

名英作明
恒英作每
而英作如

服膺不飾表以近名恒緘心而中矩清虛簡淡而應物不倦通曠夷易而及門無雜不尚意氣而然諾篤志不好臧否而鑒識超倫與故相國齊江西映穆宣州贊贊弟侍御史員為文章道義之友可以視其所親矣今吏部郎中扶風竇群抗迹毗陵退身進道公三揖郡榻之上振天墀之下不數歲間蔚為重器可以視其所舉矣分正東郭開府辟土則有令右司郎中燉煌段平仲倉部員外郎安定皇甫鏗禮部員外郎清河張賈北京兆尹韋嗣儼西李景儉中山衛中行平陽路隨皆群彥之秀出一時之高選可以觀其所任矣加以志尚幽遠

舉英作興

比英作洎

嗣英作詞

恩英作怨
不英作無

聞英作問
嵩英作幹

悼英作悼

古英作右

冥搜好古所居第必有松石之致退公暇日常以圖籍
自娛一字惟心金玉不顧片言同趣布褐無間疊疊然
若見道之所存陶陶然不知歲之云晏於戲策名從事
四十餘年朋友罕聞得喪之言家人莫見喜愠之色但
懷以處推分而行無恩于人人亦不怨無猜于物物亦
不猜履信順以優游保福祿而終始其名教之大雅者
歟有九子長曰元質前常州義興縣尉次曰穀前邠州
司倉次曰璋鄉貢進士能修詞立誠克家致美茂揚風
訓休有令聞其次某某等皆殊資異識登于童齒慶善
之餘也以某獲窺墻仞見託篆述完賢人之業信而無

媿中孝子之志直而不文其詞曰利建于商介圭作寶
爰立于漢緇衣改造克昌厥胤奕世載考亞尹擅名郎
中懷道莫躋貴仕莫享難老蘊靈儲休以啟少保丕顯
少保其德悄悄有悼遐姿曠哉靈襟顯仁山立藏用淵
沉照如冬陽藹若春陰白圭三復克保明心黃鐘九變
莫匪和音靜專動直謙進柔克宜踐公輔以植王國從
路頓執中天墜翼少陵古原拱樹寒色寒壤可奠唯名
不失金石乘之以慰罔極

劉公神道碑銘 缺
南嶽大師遠公塔銘記 英作南嶽 寺承遠和尚碑

著英此下有也字

孰英作誰其英作能

原夫法起于無色生于妄求離于色者未得皆空徇念于無者斯為有著是以至人心無所念念無所求利未動而誰安本不然而何滅然而利根難植頓詣罕聞不有舟梁孰弘濟度匪因陞級莫踐堂塗必在極力以持其善心惠念以奪其浮想不以身率孰為教先誰其弘之則南嶽大師其人也師諱承遠漢州綿竹縣謝氏之子積修妙性宿起冥因乘報現身應期弘道自天鍾美因地稟靈七尺全軀峨岷與瞻敬之狀九漏懸解江漢資清淨之源殊相夙成隱照潛發甫志學始遊鄉校驚禮樂之陶研覺詩書之桎梏忽忽不樂未知所逃俄有

夫英作訣康英作唐

信士以尊勝真言質疑于學怡然聳聽宛若前聞識契心冥神動意往遂涕決慈願行狗幽緣初事蜀郡康禪師禪師學于資州誥公誥公得于東山弘忍堅林不盡秘鍵相傳師乃委頂僮役服勤星歲旁窺奧旨密悟真乘既壯遊方以決東下開元二十三年至荊州玉泉寺謁蘭若真和尚荆蠻所奉龍象斯存歷劫方契其幽求一言懸會于虛受爰從剝毀始備錫錫昂然古貌森映喬松真公南指衡山俾分法派越洞庭浮沅湘息于天柱之陽從通相先師受教聞具戒三乘之經教四分之紀律八正之倫要六度之根源莫不更贊神机遍歸心

虛英作重

喬英作高沅湘英作

湘沅

敏英作慈

樹聞京師有慈敏三藏出任廣州乃不遠重阻星言觀
謁學如不足求所未盡一通心照而捨言筌敏公曰如
來付受吾徒用弘拯救超然獨善豈曰能仁俾依無量
受經而修念佛三昧樹功慈劫以濟群生由是頓息諸
緣專歸一念天寶初歲還于舊山山之西南別立精舍
辨彌陀臺焉雜草編茅僅蔽經像居靡童侍室無斗儲
一食不過則茹草而過弊衲莫克而歲中自若奉持贊
嘆若劇精至恒于真際靜見大身花座踴于意田寶月
懸于眼界永泰年有高僧法照者越自東吳遊于廬阜
尋遠公教跡結西方道場入觀積旬至想傍達見彌陀

慈英作德

充英作完
中英作寒

年英作中
遊英作求
尋英作尊

水英作外

座下有老比丘焉啟問何人荅曰南嶽承遠願告吾土
勝緣既結真影來現照公退而驚慕徑涉衡峯一披雲
水之塵宛契定中之見因緣昭晰悲喜流涕遂執振衣
之敬願承入室之願大師德因感著道以證光遠近聆
風歸依載路于是大建法宇以從人欲輪奐雲起丹刻
化成走擅記于十方畫莊嚴于五會香花交散鐘梵相
宣火宅之烟焰皆虛慈海之波瀾自定加以寶裝祕偈
建幢于臺前玉篆真文揭碑于路左施隨求之印以廣
銷業累造輪轉之藏以大備教典勸念則徧勝于岷谷
勵學則兼述于練緇其欲人如身慈惠懇至皆此類也

記英作信

徧英作編

人天英作
天人

春英作凡

鍊英作鍊

舟英作若

備英作獲

大師峯栖木下六十餘年苦節真修老而弥篤夙開戶
牖久啟津途法界之尊重在焉人天之瞻仰如是常隨
處方丈志行平等食不重味寒不兼衣王公之珍服盈
廂此廢之金錢布地莫不迴修佛事贍養孤老眷言施
者以是報之期願將及志力無替中鍾會食到必先眾
夕磬虔念居恒達晨其克己鍊心慎終如始皆此類也
大厯末門人法照辭謁五臺北轅有嚴承詔入覲壇場
內殿領袖京邑託法雲之遠蔭自感初因分慧日之餘
光寧忘本照奏陳師德乞降皇恩由是道場有般舟之
號貞元歲某獲分朝寄廉問湘中近照德輝備探眾妙

况靈嶽直干先皇本命宜有上士斯焉護持表求興崇
詔允誠願臺雖舊號其命維新寺由是有弥陀之額度
生二七會供十人中貴巡香守臣視饌瑤圖花捧寶宇
烟開寵降九天暉映三界師亦建不壞之塔以壽君親
修無邊之功以福邦國梵王之能事畢矣法門之榮觀
備矣貞元十八年孟秋既望願命弟子申明教戒掃室
跌座恬然化滅報齡九十有一僧臘六十有五先是忽
告門人曰國土空曠各宜勉力數月而災火梵寺周歲
而吾師解形此蓋寶去山枯龍移水涸空曠之旨乃明
前知法眾崩慟若壞梁木邦人號赴如失舟航以其年

宗英作於

清英作清

明非有照
慈亦無緣

英作能明
大教非師
有緣

九月七日遷神于寺之南岡即安靈塔教也前後受法
 弟子百有餘人而全得戒珠密傳心印者蓋亦無幾比
 立惠詮知明道傾超然等皆與室之秀者以瞻奉將遠
 經行坐蕪永懷宗極見託碑記移有道于物外真無愧
 詞比遺愛于人間誠當墮淚銘曰
 浩浩清塵茫茫逝川大雄作矣救物為先明非有照慈
 亦無緣不宰功立忘機智全誰其弘之南嶽命代習識
 虛受應身圓對理則歸空教惟不昧末搖本靜行苦神
 泰雲跡一滅天星六周熱惱就濯童蒙來求揖以尊念
 驅之力修我法有戶誰能不由甘露晨禱香雲夕卷彼

岸方濟慈舟忽遠鑪烟如在塔樹勿剪刊勒豐碑永想
 正眼

韋公神道碑銘 缺

呂和叔文集卷六之六

弟子可有餘人而能得成其家者

志亦如朝庭為起其守其

行其其水其家也

詞之遠矣

志亦如朝庭為起其守其

行其其水其家也

詞之遠矣

志亦如朝庭為起其守其

行其其水其家也

詞之遠矣

呂和叔文集卷第七

朝議郎使持節衡州諸軍事守衡州刺史上騎都尉賜緋魚袋呂溫

誌銘

鄭夫人墓誌銘 缺

大長公主墓誌銘 缺

李夫人墓誌銘 缺

柳夫人墓誌銘 缺

陳先生墓表

有唐貞晦先生廣陵郡棠邑鄉陳君曰融無字某年七

十有二遊不出鄉考終厥命嗚呼至哉良玉雖白不受

受醴泉自甘非有和貞色鎮密丹青無自入也靈味天
成麴蘖無所資也故先生長而不學大樸不通乎輪轅
至音不諧乎宮商曲直渾成巧匠莫能材也清濁一致
伶倫莫能器也故先生老而不仕地虛而踐則有跡器
踈而扣則成聲我踐惟實跡不可得而見也我扣惟寂
聲不可得而聞也故先生沒而不稱若夫為養克孝居
喪致毀事亡如存朋友孜孜兄弟怡怡於鄉恂恂與物
熙熙天性人道其盡于茲何必讀書然後為學知命是
達怡神為榮樂天忘憂自寵不驚貴我以道此非祿乎
何必入官然後為仕我有信順自天祐之謂天蓋高亦

既知矣謂神蓋幽亦既聞矣何必俗聲然後為名大哉
先生行不學之道據不仕之責負不稱之名達人觀焉
斯亦極矣予貞元初寓居是邑言歸京國道出其鄉始
見一鄉之人父義子孝長忠幼敬見乎詞氣發乎顏色
不聞忿爭之聲不見傲慢之容雍雍穆穆甚足異也因
揣之而歎曰芳蘭所生其草皆香美玉所積其山有光
此鄉之人豈必盡仁其必有賢者生于是矣遂停車累
日周訪故老果曰吾里嘗有陳融孝慈仁信不學不仕
鄉人見也皆自歆遷善遠罪亦不知其所以然今也則
亡清風猶在予于是慨然痛先生以純德至行沉落光

耀官闕軾廬之禮士無表墓之文知而不書我執其咎
乃披典按德謚曰貞晦先生窮微其實建石于路用告
將來之有識者云爾貞元五年秋八月東平呂某述

其碑呂府君權殯記缺

其碑呂府君權殯記缺

其碑呂府君權殯記缺

其碑呂府君權殯記缺

其碑呂府君權殯記缺

呂和叔文集卷第七

呂和叔文集卷第八

朝議郎使持節衛州諸軍事守衛州刺史上騎都尉 賜緋魚袋呂 温

銘文

傳巖銘 并序

昔殷高宗恭默思道至誠動天天將報之以說為瑞王
在于寢降神夢中審形旁求實得于此曾不待敷奏以
言明試以功脫刑人之衣便被公哀授受之際君不疑
臣不慙大哉邈乎殷之所以興也若非武丁之心周乎
天地傳說之德通乎神明何感動訢合如此其易厥後
唯文王以兆用太公自漁父而登國師白旄一麾光定

天下抑其鄰歟由茲而還莫不先顯後幽右資左德勃
以漢秩束于周行使特達自致之士無聞焉吁可歎也
夫以天驥之材而造父御之則必翼軫軒凌高衢風翔
電邁一日千里若制非其人服非其車忘權竒務牽束
挫盛氣頓送足使遵乎尋常之躅則終歲疾驅望駕駘
而不及矣過與不遇又何疑哉嗚呼見賢非難知之難
知之非難用之難用之非難特達難君人者苟以特達
為心假無殷宗之夢必自得說不然則雖使咎夔稷契
盡入其庭亦葉公之見龍反疑懼矣况氤氲之中乎恍
惚之際乎貞元九年予自鎬徂洛息駕于虞瓶之間升

壚瞰原彷彿其地遠跡雖昧清風若存想說命三篇幾

墜秦火百代之後德音如何乃作銘曰

赫赫湯德如火不滅滔滔商祚如海不竭發祥播氣世

作聖哲國誕武丁野生傳說說始胥靡武丁即作德通

神交忽夢如悟若帝導我期于霸素有無之間邂逅相

遇宵衣而起爰得其人貌符心冥如舊君臣飛龍在天

山川出雲感激自致其間無因捨葉傅岩脫鱗鵬程作

霖時和奮楫川澄金在吾礪木從吾繩君何言哉殷道

中興元凱攀堯微舜曷階阿衡于湯抱鼎徘徊會合之

際厥惟艱哉何如夢中天授神開惟賢是登道貴特達

匪次易用才其壅遏高宗得說乃在恍惚揭銘擣光萬
古不沒

望思臺銘

并序

望思臺者漢武帝思戾太子之所建也事具漢書夫立
人之道本乎情性生而知曰性感而動曰情性雖生情
情或滅性是以聖人患其然而為之節誠而明之中而
庸之建以大倫統以至順倫莫極于父子順莫先于慈
孝然而全之者正也慈不得其正則失子孝不得其正
則失親救失之術存乎善教昔者三王之教世子也如
周公乃為太傅如召公乃為太保如太公乃為太師左

右前後固非端士禮以專其目樂以一其耳仁以制其
氣義以凝其情故非僻之心無自入也諛慝之口莫能
間父子君臣之道所以全也漢則不然世子非三代之
賢保傅無二南之老左右前後惟刑餘罪人目流于靡
慢耳溺于慈慝氣溢于寵渥情蕩于驕奢于是非僻之
心得以入矣諛慝之口得以間矣父子君臣之道所以
離矣向使太子師友尊嚴左右端肅雖江充之詐敢以
不義而加之耶向使太子孝德彰聞仁教茂著雖武帝
之惑豈遽以大逆而疑之耶向使太子早服師訓少知
教義豈忍以一朝之怨棄其親而忘其身耶由是言之

其所以陷於此者漸矣殆哉當時之勢也國忘家嗣武
老昭弱京師喋血天下疑動若無霍光受負圖之寄秉
不奪之節斥昏建明鎮翊洪業則必庶孽尋戈起商參
之禍姦臣秉壘行羿沒之事漢家之厄豈及三七哉此
有社稷者之所宜深戒也乙亥歲予經于湖登茲荒臺
望古太息以為遇夫一物有可以正訓于世者秉筆之
士未嘗闕焉乃作銘曰
人倫大統天性是寶雖曰自然亦資黼藻漢皇父子一
失其道四海為家不能相保荒臺歸而千古之悲悔目
空斷冤魂不歸疑生于微禍積于基苟有明義誰其聞

之嗣維邦本本動邦危於呼後王鑒茲在茲

東古周城銘 并序

魯昭公三十二年周襄叔合諸侯之大夫城成周衛彪
侯曰天之所壞不可支也襄弘違天必受其咎異歲周
人煞襄弘左氏明徵以為世規俾持顛之臣沮其勝氣
非所以屬尊王垂大訓也予經其地而作是銘
文武受命肇興西土周公作洛始會風雨居中正本振
統開祚盛則駿奔衰則夾輔平王東遷九鼎日輕二伯
之後時無義殺大夫襄弘言抗其傾坐昭諸侯廓宗王
城雖微遠猷實被令名宜福而禍何傷于明立臣之本

委質定分為仁不卜臨義不問無天無神唯道是信國
危必扶國威必振求而不獲乃以死殉興亡治亂在德
非運罪之違天不可以訓并墟覽古慨焉遐憤勒銘額
鴻以勸大順
非成畢銘
英英大野萬邦錯峙惟王守圖設險於此呀谷成壑崇
顛若壘勢軼赤霄氣吞千里洪河在下太室旁倚崗盤
嶺蹙虎伏龍起鏖天中區控地西鄙出必由戶入皆同
軌拒昏約明閉亂開治昔在秦亡雷雨晦冥劉項分險
扼喉而爭漢飛鎬京羽斬東城德有厚薄此山無情維

顏英作頌

唐初興時未大同王于東征烈火順風乘高達銳擒建
係充奄有天下斯焉定功二百年間大朴既還周道如
砥成畢不闕順至則平逆者惟艱敢跡成敗勒銘嶧顏

謁舜廟文

唐貞元年一年歲次乙亥十一月一日東平呂某敢盟
沐齋潔敬謁於帝舜之神恭惟至仁無方大孝不遺德
馨升聞允釐百揆以聖授聖猶言歷試擇人之君良不
可易聖功無全相待而宣雷驅四出雲起八元火治陶
世璿璣轉天垂衣岩廊萬物浩然是稱至理是曰帝者
混成雍熙永錫大嘏乃眷南顧蒼梧之野歸克鴻名付

禹天下茫茫推遷邈萬斯年三代之後誰為聖賢政如
頽波俗若壞山韶樂猶在薰風不還於戲道有通變事
有同異官帝家王隨時之義揖讓而禪故非力致所以
識者存而不議若輔相之宜裁成之規煥乎文章百代
可知九官惟舊七政有儀弘道在人太平無時如何後
王曾莫是思甚易簡捨而弗為歷山帝然河水東注唐
虞日遠楊墨誰拒瞻彼清廟薄言往訴庶幾精誠必我
依据俾躍清源俾飛魯雲神行之道以致吾君不然婦
來鳥獸為群敢竭微志託于神明

華山下醉王景略文

唐貞元十二年十一月六日河東男子呂某敬醉于符
秦丞相王公景略之墓昔馬氏暴興世不及三拔根河
洛遺枿東南鋸牙寔殺爭逐婪婪天下為血晉猶清談
帝命景略被莽文武秉心無親用則為主惟秦悼世求
我草莽振衣投畚起作雷雨雨莫不潤雷莫不震吸涼
吞燕嚼魏含晉海蕩風掃天臨嶽鎮功存生人是曰大
順武功成矣文治定矣晏開太平垂及三紀子也無壽
秦其不祀日沉天昏水竭龍死時更運往一作道歷消
長屹彼壯骨沉為朽壤烈氣猶在英風可想雲開華山
若見精爽樂毅佐燕功負其名漢猶求後寵號華成昌

如夫子翊運而行廓定八州澤流群生歷代王者迄我
聖明盛德未聞荒墳欲平戎未于東稅駕醜酒才何敢
望教亦未偶終其自致窺于戶牖靈魄若存死為冥友

代齊常侍祭樊襄陽文

維年月日某官某以清酌之奠敬祭于故襄陽節度使
右僕射贈司空南陽樊公之靈惟公直方忠厚沉敏肅
給通如川流守若山立精風方運垂天難戢建中旁求
策元帝聰昌言右掖高步南宮爰膺使選將命序戎信
在言前知行誠中消息其用車書以同寇逼漢南乃佐
戎律偏師靖難全功受鉞兵荒之後改克畫一真繩威

姦柔懲惠物一臨荆門再撫岷陽積德逾紀闡然彰彰
天不慈遺人之云亡朝野震悼豈惟一方清永之後獲
同王事相府之舉謬厠公議重以中外綢繆親懿旋觀
全才備端精義交以氣合情由道至循躬雖虛望古無
媿嘗言有德必錫永年元聖是毗大猷于宣擊壤鼓腹
吾將老焉今則已矣誰其問天日月將葬哀榮式備禮
有執紼官無離次闕寢流動哀何可既遂申薄奠歆此
精意嗚呼哀哉尚饗

代宰相祭故齊相公文

維年月日某官某等謹以清酌庶羞之奠敬祭于中書

侍郎平章事太子賓客贈戶部尚書齊公之靈古人所
難有道有時惟公挺生克叶昌期雲引喬幹雷起幽姿
禮義誠衡文章元龜學覩儒奧政為吏師金鉞遐音玉
立清儀始踐南宮洎參左掖麾幢符竹禮樂圖籍萎蕤
焜耀出入揚歷晦而逾明虛乃受益爰登大任光贊庶
績棟材斯全鼎味以適道始交泰志惟匪躬方盡嘉猷
以奉時雍疾罷私室寵賓儲宮日異勿藥再諧至不如
何忽焉降命不融竟孤宸睠誰問蒼穹佶早辱見知深
契風義孰獲同樞近備得純懿珣瑜三河交代郢則兩
掖聯事氣以正合情由道至視孤有懷慟寢無媿龜兆

叶吉素車東轅喉舌追命股肱殊恩魂留魏闕形返周
原凡我寮舊舉觴以言神聽不昧知余所敦尚饗

祭陸給事文

維貞元元年歲次乙酉十月景申朔十日乙巳將仕郎
守尚書戶部員外郎賜緋魚袋呂某潔樽罍誠敬祭于
故給事中吳郡陸公之靈嗚呼噫嘻道之難行古人所
悲有時無人有人無時時可人可則命奪之公初負道
年志俱壯已任致君指掌太平德宗旁求始賓明庭拔
乎其倫聿駿有勳寔欲以至公大當之心沃明王之心
簡能易知之道大明主之道難得易失怡然退保或使

倪從事或棲遲却掃二十年間為郎而老嘗言吾雖已
矣道不可已永懷其人見而後死某以弱齡獲謁于公
曠代之見一言而同且日子非入吾之域入堯舜之域
子非覩吾之奧覩宣尼之奧良時未來吾老子少異日
河圖出鳳鳥至天子咸臨泰階清問理本其能以生人
為重社稷次之之義發吾君聰明躋盛唐于雍熙者子
若不死吾有望焉某也不佞謬納大賢其何以充塞所
知克當斯言姑用紳而書牘而藏傳于子孫為門戶光
既而各淪風波秦吾索居某非出處迫肩無餘公乃高
翔海郡與道虛徐猶念垂訓研軍厥初作君臣得失之

圖成春秋不刊之書今年太皇繼天元聖在震徵公夕
拜侍講古訓皇王秘寶造昔一作膝而進以石投水至誠

無朕討論未竟公則既病重光昇矣公病不起河海宴
而航楫自隳禮樂作而龜玉先毀與其時而奪其壽吾
未知夫所以嗚呼惜哉某奉使無狀閉留昆夷再換炎
涼言歸未期公方沉痾忘已之危念我否隔發言連瀕
恙所著書付予稚兒曰道之將興而又其歸懼不果待
寓心于斯似有明神感公所敦窮荒生還僅及公存綿
頓在林深堂晝昏舉燭開目握手無言自此及終曾未
浹辰凡曰識者孰堪酸辛况予之情豈云他人涕盡一

哀痛纏百身禮不忘本卜歸江濱躬執薄酌心摧氣埋
倘見期之言可徵平生之志獲申呂氏陸氏戚休惟均
魂而有知歆之聽之嗚呼哀哉尚饗
道州祭百姓鄧助費念文
維元和五年歲次庚寅五月庚子朔七日丙午刺史呂
某遣衙前虞候蔣沼以酒脯之奠告鄧助費念之靈使
君受命收汝收汝不能庇護使賊孟鸞等敢作不道酷
加殺害是用疚心疾首萬計計擒廉使仁明不貸亮惡
窮泉冤痛今日方申慙念無及潸然泣下故令於汝沒
屢陳誠之屍魂而有知歆此告酌嗚呼哀哉

祭侯官十七房叔文

維元和五年歲次庚寅九月戊戌朔三日庚子堂妹男
朝議郎使持節衡州諸軍事守衡州刺史上騎都尉賜
緋魚袋某鄉貢進士讓致祭十七房叔侯官府君之靈
私門薄佑終鮮諸父堂從之內唯叔一人少小相依筆
硯同學永言素契情實兼常早表誠言見託身事官孤
力薄卒用無成慙負幽明興言痛咽叔無胤嗣後效何
伸河中大塋禮合禮葬祔十五房尚寓淮甸時力未并
且於江陵謹議權厝終期通歲異壤同歸曠日在天摅
無二事嗚呼哀哉三湖三湘前歲共入孤舟單旋今日

何之慟訣江津倍增摧慕武其祖真伏惟尚饗
其衡州柘里渡溺死百姓文
維元和五年歲次庚寅十月戊辰朔十七日甲申刺史
呂某遣故衙前虞候何防以豚酒之奠致祭于蘇昇陳
瑄李寬秦陳甫魯餘之靈爾等五人感余誠信力輸不
稅爭赴先期溪山阻深滄潦暴至不忍欺我忘其險艱
州令未明津渡不謹致此淪逝咎由使君興言流涕痛
念何及聊伸薄酌兼致微贈代納殘稅皆余俸錢視而
有知諒此深意尚饗

呂和叔文集卷第八

行之而武江中... 惟元和五年... 其基址... 碑... 誌... 中... 元...



呂師文集卷八

